

Regional News Unit AIR Aizawl
Saturday, May 10, 2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- Mizoram Drug Treatment cum Rehabilitation Centre Accreditation (Amendment) Rules 2020' hman thuai theih dan tur ngaihtuah a ni.
- Sorkar laipui MHA Internal Security Division chuan social media-a Sipaite veivak leh chevel chungchang vawrhdarh a khap.
- Ningani zana Pakistan sipaiten Turkey siam drone 400 chuang hmanga ramri hmun 36 kah an tum chu India sipaiten an lo kapthla vek.
- Prime Minister Narendra Modia hoin nimin khan sipai hotu lu pathumte New Delhi ah an inhmukhawm .

<><><>

REHAB CENTRE ACCREDIATION MEETING

Mizoram Drug Treatment cum Rehabilitation Centre Accreditation Meeting chu nimin khan MINECO ah Social Welfare, Women and Child Development Department Secretary Pi Lalzarmawii kaihhruiin an thukhawm a.

Mizoram a ruihhlongai enkawltu ten rualkhai leh mumal zawk a inenkawlina an kalpui theih nan Department lam chuan 'Mizoram Drug Treatment cum Rehabilitation Centre (TRC) Accreditation (Amendment) Rules 2020' a buatsaih tawh a, he rules hi sawihova hman theih nghal dan tur ngaihtuah a ni. He Accreditation hian Mizoram pum a huam dawn avangin district tin ah 'Accreditation Inspection Team' chu a din tawh a, anni hian an huam chhung a de-addiction centre te tlawhkualin an dinhmun an zirchiang hmasa anga, chumi a zir chuan Accreditation ngaihtuah sak an ni dawn a ni.

He meeting ah hian Sawrkar Department hrang hrang hotute, kohhran hruiitu te leh tlawmngai pawl hrang hrang hruiitu te an tel a ni.

<><><>

AH& VETY MINISTER

AH & Vety leh Horticulture Department Minister Pu C Lalsawivunga chuan nimin khan Serchhip a tlawh a. Centre of Excellence for vegetables hmun tur Zuangleng a mi a tlawh hnuin loneitute nena inkawm hona hun a neih pui bakah District Horticulture Office leh District AH & Vety Office a tlawh a ni.

Minister hian Serchhipa Mat lui kama Nul siamtute hnathawh dan a hmunah a enpui a. Chhungkaw 160 velin eizawnnana an hman Chawm zau, Vaivenga zau, Chamdur leh Tuisen zau te a fangkual nghal bawk a.

Loneitute hnathawh leh hmalak dan te enpuiin, Farming Society hruaitute nen an inkawm a. Horticulture farmer ten harsatna an tawh te leh mamawh an neih te Minister hnenah hian an thlen a ni.

Pu C Lalsawivunga chuan Serchhip Chanmari a District Horticulture Office a tlawh nghal a. DHO Pu R Lalrintluanga leh a thawhpuiten Minister hi lo dawngsawngin an Department hmalakna hrang hrang te an sawipui a ni. DHO office ah hian pa chi - mushroom spawn siam chhuahna laboratory an neih chu Minister hian a tlawh nghal a. He laboratory atang hian loneitu te leh pa ching duh apiang ten awlsam takin pa chi an lei thin a ni.

Horticulture Department Ditektor Pu CH Lalmuanpuia kaihruainain thawktute nen inkawmhona an nei a, DHO Pu R. Lalrintluanga’n Serchhip District chhunga deptsrtment hmalakna hrang hrangte a sawi a ni.

Minister chuan thusawiin, Kuthnathawktute dawm kang a, puitu ni zel tura chahin, tun aia hmasawn zel tur pawha tan la zel turin thawktute a fuih a ni. Kut hnathawktuten an ngaihsak a ni tih an hriat chuah nasa takin hma an sawn phah ngei ang, a ti bawk.

AH&Vety changtu ni bawk Pu C Lalsawivunga chuan Serchhip District AH&Vety Office, P&E Veng a tlawh bawk a. District AH & Vety Officer Dr. H. Vanlalrawna leh a thawhpuiten lo dawngsawngin an hmalakna chungchangte a sawipui bakah thawktute chenna tur quarter sak mekte an tlawh a ni.



MUHCS MEETING

Mizoram Health Care Society buatsaihin Mizoram Universal Health Care System kalpui mek thlirhona nimin khan MINECO ah neih a ni a, he hun hi Health Minister - Pi Lalrinpuiin a hmanpui a ni.

Health Minister chuan Mipui hmangaih vanga Mipui Health Care hi duan a ni tih a sawi a, mipui sawrkar, mipui ta, mipui tana ding Sawrkar in mipui tana Health Care system hi a duan a nih tlat avangin a hlawhtlin chhoh zel beisei a ni a ti.

Sawrkar chuan theihtawpin Sawrkar damdawiin-te a thuam that zel thu sawiin, Pi Lalrinpuii chuan, Nurse 300 lak belh an ni a, multi task worker 100 lak thar an ni a, thawktu hrang hrang X Ray technician, lab technician leh Public Relations Officer(PRO) te thlengin lak belh an ni a ti a.

Health Worker 100 lakbelh a ni dawn mek tih sawi bawkin Nabard hnuaiah
PHC leh sub centre engemaw zat sak that a ni dawn a, JICA hnuaia cancer
superspeciality hospital din tur chu kalpui mek a ni a, ZMC hnuaia ICU 13 siam belh
tur te, Cardio thorasic leh neuro surgery unit din thar tur te, Aizawl Civil Hospital a
Kidney transplant lam din tura hmalak mek anih thu te, IVF centre level 1 license
pek a nih dante a tarlang bawk a, Sawrkarin theihtawp a chhuah avangin PHC/CHC
te chu mipui hmangaihna nen, tun aia nasa lehzuala tan la turin a fuih bawk a ni.

He hunah hian Mizoram hmun hrang hranga Community Health Centre leh
Primary Health Centre a thawktuten MUHCS an kalpui dan chungchanga an
hmalakna leh harsatna tawh hrang hrangte an sawi ho a ni.

<><><>

MHA

MHA Internal Security Division chuan social media-a Sipaite veivak leh
chevel chungchang vawrhdarh a khap.

Ministry of Home Affairs (Internal Security Division) chuan state Chief
Secretary leh DGP zawng zawngte hnenah lehkha hmanhmawh thlak kaltlangin
Media mite hriattirna a thawn a. He hriattirnaah hian tunlain India leh Pakistan
inkarah boruak muanawm loh a thlen mek avangin Sawrkar Laipui chuan venghimtu
sipaiho te veivak leh che vel reng reng thlalak,video leh news anga vawrh darh a
khap a ti a, Ram venhimna atana hriattirna pawimawh MHA in a tichhuah hi Mitin
te - a bikin Media leh Social Media lamah content creator te leh vlogger te chu
zawm vek tura hriattir an ni a ti bawk.

<><><>

ECI

Election Commission of India Principal Secy Pu N.T. Bhutia, chuan ni hnih
cham turin Mizoram a rawn tlawh a.

Nimin khan Directorate of Election-ah Election Department hotute nen
meeting neiin, Election Department tihhmasawn leh tihchangtlung a nih theih nana
mamawh hrang hrangte sawi ho niin, inthlan kaihnawih a ruahmanna hrang
hrangte Election Commission of India duh dan anga fel fai taka kalpui a nih theih
dan tur te sawi ho a ni bawk.

Meeting neih zawhah hian Pu N.T. Bhutia hian Aizawl West-III leh Aizawl
South-I Assembly Constituency huamchhunga Polling Station thenkhat a tlawh
nghal a. Vawiin hian Serchhip Assembly Constituency huamchhunga Polling Station
thenkhat a tlawh ang.

<><><>

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PAKISTAN

Ningani zana Pakistan sipaiten Turkey siam drone 400 chuang hmanga ramri hmun 36 kah an tum chu India sipaiten an lo kapthla vek. Nimin khan New Delhi-ah chanchinbumite kawmin Indian Air Force Wing Commander Vyomika Singh chuan Leh atanga Sircreek inkar hmun engemawzat chu drone hmangin an rawn kap tih a sawi a. Wing Commander Vyomika chuan Pakistan beihna hi chhangletin India sipaite chuan air defence hmun li atangin an lo kap a. Drone pakhat chuan Air Defence radar a tichhia a ti a. Wing Commander Singh-i chuan Pakistan hian Line of Control ah laipui leh drone hmangin hmun tam tak a rawn kap tih sawiin India sipai hliam tuar thenkhat an awm thu a sawi a. India-in a chhanletnaah Pakistan sipaite hian chan tam tak an nei ve tih a sawi a. Pakistan sipaite chuan civil mite chuanna thin thlawhna chu inphen nan an hmang niin Wing Commander chuan a puh a ni.

Colonel Sofiya Qureshi pawhin Pakistan sipaite hian boruaka India ramchhung an rawn pel ngun hle tih a sawi a. Ramchhung khawthlang lam ramria sipaite hmunpui an rawn bitum niin a sawi a. Line of Control ah vawi tam tak laipui an rawn kap tih a sawi a. Pakistan sipaite drone an kahthlak chu zirchian anih hnuah Turkish Asisgaurd Songar siam anih thu hmuhchhuah a ni a ti.

<><><>

PM

Prime Minister Narendra Modia cuan nimin khan sipai hotu lu pathumte nen New Delhi ah inhmukkhawm an nei . He huan hian Army, Air Force leh Navy Chief te an tel a. Pakistan leh India inkar boruak sosang chho zelah inhmukkhawm hi neih a ni a. Defence Minister Rajnath Singh leh National Security Advisor Ajit Doval te pawh an tel a ni.

Hatihlai hian Sawrkar chuan ramchhung mipuite nitin mamawh leh hnathawhte buai lova tluang taka kal thei turin hma a la. Ministry leh Department hrang hrante chuan kil tinah inpuahchahna kalpuiin ministry-te pawh tha takin an thawkho a. Vawiin khan Union Health Minister JP Nadda kaihhruaiin Health Ministry hotuten ramchhunga damdawiin leh hmunhma inpuahchahna an thlirho a. Union Finance Minister Niramala Sitharaman-i hoin bank leh financial institution ten internet lama beihna an tawh theih laka inpuahchahna an thlirho bawh a. Public Sector Bank te chuan ATM, pawisaw dahluhna leh lakchhuahna khawh bakah khawh dangten tha takin hna an thawk thei tih an sawi a ni. Indian Oil Corporation pawhin thuchhuah siamin ramchhungah tuialhthei chhekkhawh sa a tam tawh tih an sawi a.

Tuialhthei semkualna pawh tuang takin a kal tih sawiin mipuite chu chia i avanga mamawh bak lo chhek lo tur leh tul lova inchuh buaina thlen tir lo turin an ngen a ni.

. <><><>

FAKE NEWS

India-in na taka an hmalakna a chhanlet zel avangin Pakistan lam chuan thuthar dik lo leh belhchian dawl lo thehdarh lamah nasa takin tan a la. Pakistan hian media te a dik lo lama hruai tumin dawt thu a thehdarh nasa hle a. Mipui ngaihda n ti danglam thei leh khawvel ramdangte hmuhna thlak thei video leh thlak dik lo a vawrh darh mek a ni.

Hetianga Pakistan hmalakna avangin mipuite chu thudik leh rintlak thliar thiam tura ngen an ni a. India sipaite chungchanga thu dik tawh lo leh phuahchawp dawngte chuan PIB Fact Check ah report theih reng a ni a. Hei bakah hian WhatsApp number 8799711259 lehd Email ID -socialmedia@pib.gov.in ah te thehluh theih a ni.

<><><>